

Qeqqata Kommunitiani nunaannarmi qamutit motorillit angallassissutiginiisaat pillugu ileqqoreqqusaq.

Assartuutit motorinik ingerlatillit atorneqarneri pillugit Namminersorlutik Oqartussat nalunaarutaat nr. 10, 10. oktober 2013-imeersoq naapertorlugu aalajangersarneqarpoq:

Kapitali 1

Atuuffii

§ 1. Qeqqata Kommunitiani nunaannarmi qamutit motorillit angallassissutiginiisaat pillugu ileqqoreqqusaq.

Imm. 2. Ileqqoreqqusaq ukunani atorneqassanngilaq:

- 1) 1) Sermersuarmut serminullu sermersuarmit iigarfiusartunut angalanermi.
- 2) 2) Nunaminertamik atuisarneq aamma pilersarusiorneq pillugit Inatsisartut inatsisaat atuuttoq naapertorlugu atuisussaataaernerik nalunaaruteqartariaqartumik aqqusinerni, unittarfinni narsaatinilu il. il. angallanneq.
- 3) 3) Inuussutissarsiutigalugu nersutaateqarnermik ingerlatsinermut atatillugu angallanneq.
- 4) 4) Nakkutilliinermut oqartussaasut teknikkikkut atortulersuutinik, uumassusilinnik misissuinerannik kiisalu piniarnermik nakkutilliinerannut angallannerit.
- 5) 5) Annaassiniarnermut, politiit paasiniaanerinit, illersornissaqarfiup suliaqarnerinit assigisaannullu atatillugu angallannerit.

Imm. 3. Sumiiffinni, angallatit motorinik ingerlatillit atorlugit angallannerimut inatsisit allat aqqutigalugit maleruagassiuiffiusuni, maleruagassiat sukkulluunniit killilersuiffiunerusut atuutissapput.

Kapitali 2.

Suunerinik nassuiaatit

§ 2. Maleruagqusami matumani makku imatut paasineqassapput:

- 1) 1) "Illoqarfiit nunaqarfiillu" nalunaarummi matumani tassaatinneqarput nunaminertat, kommuninut pilersaarummi illoqarfittut nunaqarfittullu siunertaqarfiusunut atugassanngortinneqartut.
- 2) 2) "Nunaannaq" Nunaannaat nalunaarummi matumani tassaatinneqarput nunaminertat, illoqarfiit nunaqarfiillu avataaniittut, kangerluit imartallu sikuunermik nalaani nunaannarmiittut naatsorsuunneqassapput.
- 3) 1) "Angallassissutit motorillit" tassaapput qamutit larvefodinik assakaasunilluunniit ingerlatillit, sikukkut, aputikkut, qaqqatigut pinngortitamilu nunami allatut ilusilimmi angallatit ilusiligaasut atorneqartulluunniit. Immikkoortut, angallavissiat piffissanullu piffissat malillugit angallassissutit motoriilinnik suussutsinik akuerisaasut ilanngussaqaq A-mi takuneqarsinnaapput.

Nunami angallassissutit motorillit atorneqanngitsut tassaapput, angallassissutit sukkassutsini assigiinngitsuni assakaasunik larvefodinilluunniit sangusinnaasut aammalu

SHERP, ARGO, bulldozerinik, sorsuutinik assigisaallu assakaasunik sisoraatinilluunniit sammivimmik allanngortitsilluni aqunneqarneq ajortunik.

- 4) "Assartuussinermut ingerlavissiaq" tassaapput assartuussinermut atatillugu taamaallaat ingerlavissiaq.
- 5) "Ukiuunerani ingerlavissiat" tassaapput immikkoortut angallannermut nalinginnaasumik aalajangersakkanit mianerinnittumik nunami suulluunniit angallassissutaasinnaasut.
- 6) "Ukiuunerani assartuussinermut ingerlavissiat" tamatumani Qeqqata Kommunia angalasinnaanermut akuersissuteqareeripat angallassissutinik motoorilinni ilanngussaq A-mi ukiuunerani angallassissutitut akuerisaasut. Ukiumi pineqartumi ukiuunera qanoq apeqqutaalluni ukiumiit ukiumut piffissaq nikerarsinnaavoq.
- 7) "Aasaanerani assartuussinermut ingerlavissat" Qeqqata Kommunia angalasinnaanermut akuersissuteqareeripat ilanngussaq A-mi angallassissutit motoorilittut taaneqartunik nunap assingani 1-mi takutinneqartutut ATV-nut aqutitut aqqusinertulluunniit sioraasutut pilersitaasut. Ukiumi pineqartumi ukiuunera qanoq apeqqutaalluni ukiumiit ukiumut piffissaq nikerarsinnaavoq.
- 8) "Imeqarfii killeqarfii" tassapput erngup imerneqarsinnaasup imermik takkuttarfii aammalu avatangiisinik illersuineq pillugu Inatsisartut inatsisaat nr.9, 22. november 2011-meertumit illersugaasut.
- 9) "Ukiuunerani piniartarfii" tassaapput immikkoortut umimmanniarnermut tuttunniarnermullu atatillugu Aalisarnermut Piniarnermullu Naalakkersuisoqarfimmit ukiumoortumik toqqarneqartartut.
- 10) "Angallanneq inerteqqutaavoq" nunap assingini 1-mi 3-milu allassimasut tassaapput immikkoortut ukiuunerani piniarnermut atatillugu inuussutissarsiutigalugu takornariaqarnermillu siunertalinnut taamaallaat angallassinissamut akuerisaasut.
- 11) "Ukiuunerani-, aasaanerani ukiorlu kaajallallugu angallanneq" tassaapput ileqqoreqqusami matumani piffissatut piffissaannarni atorneqarsinnaasut. "Ukioq kaajallallugu angallanneq" tassaavoq ukioq kaajallallugu angallaffiusinnaasoq. Paarlattuanik ukiuuneranik taaneqartup pissusaa malillugu ukiumiit ukiumut nikerarnera malillugu "aasaanerani ukiuuneranilu angallanneq" Qeqqata Kommunianit aalajangersarneqartarluni.

Kapitali 3

Angallassissutit motoorilinnik atuinermut aalajangersakkat nalinginnaasut

§ 3. Nunaannarmi angallassissutinik motoorilinnik angallanneq taamaallaat ingerlaffissiatut assartuussinermilu aqutissatut kommunalbestyrelsimit akuerisaasuni akuerisaavoq, takuuk nunap assingi 1-5, tassani ukiuunerani angallanneq, ukioq kaajallallugu aasaaneranilu angallanneq immikkoortinneqarlutik. Asfaltillit aqquserngillu sioraasut ukioq kaajallallugumoorput ATV-nulli aqutut aasaaneranut ukiuuneranullu agguataagaalluni.

Imm. 2. Illoqarfinni nunaqarfinnilu angallassissutinik motoorilinnik angallanneq majuartateqarfinni, ujakkaarnermut illinerni, iliveqarfinni, mittarfinni, timersortarfinni arsaattarfinnilu inerteqqutaavoq.

Imm. 3. Illoqarfinni nunaqarfinnilu angallassissutinik motoorillit aalajangersimasut immikkut ingerlasarfissaat kommunalbestyrelsimit akuersissutigineqarpat, angallassissutinik motoorilinnik taakkuninnga angallanneq taamaallaat angallannermi aqutissani imikkuullarissuni pisinnaavoq.

Ukioq kaajallallugu angallassissutinik motoorilinnik atuineq

§ 4. Ilanngussaq A-mi angallassissutinik motoorilinnik taaneqartunik aqqusinerni sioraasuni ukioq kaajallallugu angallattoqarsinnaavoq.

Ukiuunerani assartuussinermut ukiuuneranilu angallavissiakkut angallassissutinik motoorilinnik atuineq

§ 5. Ukiuunerani assartuussinermut angallavissiani ukiuuneranilu angallavissiakkut angallassissutinik motoorilinnik angalaneq taamaallaat oktobarip 15-anniit maajip 31-ata tungaanut pisinnaavoq aammalu aatsaat nuna manngersumik qerippat, naammattumik apisimappat aammalu ima nammassisinnaatigippat, naanernik nunamilu ajoqusiinernik pilersoqarsinnaanani.

Imm. 2. Ukiuunerani assartuussinermut angallavissiat aammalu § 6 imm. 2-mi ATV-nut aqutitut taaneqartoq taamaallaat ilanngussaq A-mi angallassissutinut motoorilinnik atorineqartussat taaneqartumi atorineqarsinnaavoq.

Imm. 3. Ukiuunerani angallavissianut immikkoortut suussutsit pingasut immikkoortinneqarput, tassani angallassissutinik motoorilinnik tullinnguuttunik atuisoqarsinnaalluni:

- 1) Ukiuunerani angallavissiaq takuuk nunap assinga 1-4, ilanngussaq A-mi allanneqartut ukiuunerani angallavissanut angallassissutinik motoorilinnik atuiffiusinnaasoq.
- 2) Sermini iigartartuni ukiuunerani angallavissiat takuuk nunap assingi 1-2 ilanngussaq A-mi allassimasumut taamaallaat angallassissutinik motoorilinnik atorineqarsinnaasoq.
- 3) Kangerlussuarmi ukiuunerani piniariartarfiit, ilanngussaq A1-mi tassunga allassimasumut angallassissutinik motoorilinnik taamaallaat atorineqarsinnaasoq. Aammalu taamaallaat piniarnissamut piffissani immikkoortunilu ukiuunerani piniarnissamut akuerissaasumit ingerlatsinissamut. Umimmannik tuttunillu ukiuunerani piniarneq taamaatiinnarneqassagaluarpat piniariartarfinni angallassissutinik motoorilinnik angallattoqassanngilaq.

Aasaanerani assartuussinermut aqutissani angallassissutinik motoorilinnik atuineq

§ 6. Qeqqata Kommuniani angallanneq inerteqqutaannginneranik nalunaaruteqareerippat aasaanerani assartuussinermut aqutissatut taaneqartuni angallassissutinik motoorilinnik angalasoqarsinnaalissaaq. Ukiumi pineqartumi ukiuunera qanoq apeqqutaalluni ukiumiit ukiumut piffissaq nikerarsinnaavoq.

Imm. 2. Ilanngussaq A-mi angallassissutinik motoorilinnik taaneqartunik aasaanerani assartuussinermut aqutissatut immikkoortitat iluanni ATV-nik ingerlasoqarsinnaavoq. ATV-nut aqutitut tullinnguuttunut atuuppoq:

- Sisimiut Kangerlussuullu akornanni
- Sermersuarmut Russells gletsjerimullu aqquserngup sioraasup akornanni
- Sermersuarmut aammalu Keglen kangiani qorlortumut (Sugarloaf, Kangerlussuaq) aqquserngup sioraasup akornanni
- Eqalugarniarfiup Tasia aamma Eqaluguniarfik (Oles lakse elv) akornanni
- Imeqarfiup Tasersuullu akornanni
- Eqalugaarsuit Kuuaniit Qaqqatoqqap tungaata akornanni

Imeqarfiit killeqarfiini angallassissutinik motorilinnik atuineq

§ 7. Imeqarfiup killeqarfia aqqusaarlugu angallassissutinik motorilinnik angalanissaq inertequtaavoq.

Imm. 2. Imm. 1 apequtaatinnagu imeqarfiup killeqarfiata iluani angallassissutit ilaat atorneqarsinnaapput, piunasaqaatit tullinnguuttut malitsinneqarpata kommunillu akuersissutigisimappagu:

- 1) Sisimiut apisimanerani qamuteralannut aqcutissatut sungiusartarfittullu ilisarnaasikkap iluani qamuteralaat kiisalu ujakkaarnermut illinertut, qamuteralannut aqcutip sisorartarfimmiluunniit Alanngorsuarmik allassimasumi illinerit atuarlugit qamussuit atorneqarsinnaapput.
- 2) Takuuk nunap assinga 1 Kangerlussuup Sisimiullu akornanni oqartussanit ATV-nut aqqummik kiisalu aqqusinnermut sioraasumi takuuk ilanngussaq A, taakkununga tulluurtuusunik angallasissutinik motorilinnik aasaanerani ukiuuneranilu ingerlasoqarsinnaavoq, taakku Sisimiuniit Kangerluarsuk Tullermut aqqusinnermut ASN-imik akuersissut.
- 3) Maniitsumi apisimatillugu qamussuit namminerlu qamuteralaat sisorartarfimmut ingerlanissamut atorneqarsinnaapput. Sivikitsumik unilaarnerit tatsinit kuunnillu minnerpaamik 100 meterimik ungasissusilimmi nunami narlortumi isumagineqassapput. Takuuk Maniitsumi imeqarfimmi qamussuarnik ingerlasarsinnaanermut immikkut akuersissut 2016-imi februaarip 26-anneersoq.

§ 8. Imeqarfiup killeqarfiata iluani akuutissat, kemikalia uulialu atorlugit tunisassiat kiisalu nassatat ulorianartut assartoqqusaanatililu paareqqusaanngillat. Soorluttaaq eqqagassanik qimatsisoqaaqqusaanngitsoq.

Imm. 2. Imm. 1 apequtaatinnagu imeqarfiup killeqarfiata iluani orsussanik assartuussineq pisinnaavoq, piunasaqaatit tullinnguuttut naammassineqarsimappata:

- 1) Orsussaq taamaallaat nammineq atugassanngorlugu nassarneqassasoq aammalu orsussaasivinnik annerpaamik 20 literimik imaqqortussusilimmi CE-mik ilisarnaasikkani assartorneqassaaq.
- 2) Orsussaasiviit napatinneqassapput, matulluaqqallutik aalajangersimallutillu aamma/imaluunniit angallasissutigisamit nakkarsinnaajunnaarlugit qajannaarneqarsimassapput.

- 3) Angallassissutip motorillip orsussaasiviata imarisinnaasaatut orsussaqaq annerpaamik 100 liter sinnerlugu, l piumasaqaatinik qulaaniittunik naammassinnittuusumik amerlassusillit orsussaasiviit taamaallaat nassarneqarsinnaapput.
- 4) Assartuineq nammineq atugassatut pissasoq, tankbilinnik angallassineq ilanngullugu orsussamik tuniniagassamik assartuussineq tamatigut inerteqqutaammat.

Imm. 4. Imm. 2-mi 3-ilu aalajangersakkat apeqqutaatinnagit, majuartateqarfimmut orsussaasivinni annerpaamik 250 literimik imaqqortussusilinnik CE-mik ilisarnaatilinni orsussamik assartuussineq pisinnaavoq aammalu uuliamik tunisassiat annerpaamik 800 liter nassarneqarsinnaapput.

Soorluttaaq Sisimiuni Alanngorsuarmi sangusaartarfimmi orsussaqaq 1400 liter paarineqarsinnaasoq.

Imm. 5. Imeqarfiup killeqarfiani angalanernut tamanut atugassarititaasut ilanngussaqaq B-mi naqiteqqapput.

Kapitali 4

Angallannermut ataatsimut aalajangersakkat

§ 9. Angallassissut motorilik nunami ajutuussagaluarpat, naanerit nunalu ajoqusinnginnerani piginnittup piissavai. Kommunalbestyrelsimit peqquneqareernerup kingorna angallassissut peerneqanngippat, piginnittumut akiligassanngorlugulu akisussaaffinngorlugulu angallassissut Kommunalbestyrelsip nuutsissinnaavaa.

§ 10. Eqqakkat tamarmik tiguneqassapput pinngortitamullu qimanneqaqqusaanngillat.

§ 11. Angalanermi naanernik numamillu ajoqusiisinnaasumik sakkortuumik sangusoqaqqusaanngilaq, aallarsartoqaqqusaanngilaq uneriataartoqaqqusaananilu.

Imm. 2. Tatsini, kuunni annerusuni kangerluillu sineriaannik sivinganerinillu aqqusaarsineq sumiiffinni naanernik nunatanillu ajoqusiiffiunngitsuni pisinnaavoq.

Imm. 3. Angallanneq naasunut uumasunullu mianerinnittumik pissaaq. Aammalu nunami uumasunik imaanilu miluumasunik illersuinnermut nalunaarutit sukkulluunniit atuuttut malitsinneqassapput. Soorluttaaq nujuartat angallattullu akornanni ungasissusissat pillugu malittarisassat malitsinneqassasut.

Imm. 4. Qimmeqarfiusuni mianerinnittoqassaaq aammalu sapinngisamik qimussinut minnerpaamik 10 meterimik ungasissuseq malitsinneqassaaq.

Kapitali 5

Immikkoortunik immikkut mianernartunik toqqaaneq

§ 12. Naalackersuisut nunatanik mianernartunik toqqaasinnaapput, qamutiniq motorilinnik assartuussutiniq ingerlaffigeqqusaanngitsunik.

Imm. 2. Naalackersuisut ingerlavissiatigut assartuussivissiatigulluunniit §§ 3-mi 6-imilu taaneqartuni ingerlasinnaanissaq inerteqqutigisinnaavaat. Ingerlasinnaanissamik

inerteqqussuteqarneq ataavartuusinnaavoq, piffissami aalajangersimasumi pisinnaalluni, ukiulluunniit qanoq ilineranut aalajangiussaasinnaalluni.

Imm. 3. Ingerlanissamik immikkoortoq 1 aamma 2 naapertorlugu inerteqqussutaasinnaasut iluarsisutaasinnaasulluunniit Qeqqata Kommuniata nittartagaatigut, allagarsiussinikkut tusagassiutigullu saqqummiunneqartassapput.

Kapitel 6

Immikkut akuersissutit

§ 13. Kommunalbestyrelsi immikkut pisuni angallavissiani ingerlavissianilu taaneqartuni nunap assingini 1-5 avataanni angallassissutinut motorilinnut angalanissamut ukiumut ataatsimut immikkut akuersissuteqarsinnaavoq.

Imm. 2. Immikkut ittumik akuersissuteqartoqarnissaanut qinnuteqaat tunngavilersugaq angalanissaq pilersaarutaasoq kingusinnerpaamik sapaatit akunnerinik sisamanik sioqqullugu kommunalbestyrelsimit tigueqarsimassaaq, aammalu nunaminertat imaluunniit aqutissat nalunaarsorneqarnerinik imaqaassalluni.

Imm. 3. Kommunalbestyrelsi immikkut akuersissuteqarnermut atatillugu atugassarititaasunik imaattumik tulleriarissaaq, tigussaasumik nalilersuinermit tulluurtutut isigineqartutut atugassarititaasut tullinnguuttut ilaatigut ilaatinneqassallutik:

- 1) Piffissamik killiliisarneq.
- 2) Uumasunut naasoqassutsimullu mianerinninnissaaq pillugu piumasaqaat.
- 3) Ujaasinermit atortut satellitsikkoortut.
- 4) Allat soqutigisaanik akornusersuinaveersaarneq.

Imm. 4. Imm. 1 aamma imm. 2 naapertorlugit akuersissutit sukkulluunniit kommunalbestyrelsimit imaluunniit Naalakkersuisunit allangortinneqarsinnaapput utertinneqarsinnaallutilluunniit, immikkut ittumik akuersissuteqarnissamut piumasaqaatit unioqqutinneqarpata, imaluunniit kommunalbestyrelsip Naalakkersuisulluunniit naliliinerat malillugu pissutsit pingortitamut avatangiisinullu ajoqusiisnaasut pineqarpata.

Kapitali 7

Nakkutilliineq il.il.

§ 14. Ileqqoreqqusami matumani kiisalu Assartuutit motorinik ingerlatillit atorneqarneri pillugit Namminersorlutik Oqartussat nalunaarutaat nr. 10, 10. oktober 2013-imeersumi malittarisassat eqqortinneqarnersut pillugit kommunalbestyrelsi nakkutilliisussaavoq.

Imm. 2. Angallannermut maleruaqqusami §§ 3, 4, 5 aamma § 6 aamma § 7 ataanni taaneqartut naammassineqanngippata, kommunalbestyrelsi peqqusinermit inerteqqummilluunniit nalunaaruteqarsinnaavoq.

Imm. 3. Peqqussut tassaasinnaavoq angallaviit aalajangersimasut atorneqarnissaannik piumasaqaatit.

Imm. 4. Inerteqqutit tassaasinnaapput sumiiffinni aalajangersimasuni piffissami aalajangersimasumi angallannerup tamarmi unitsinneqarnissaanik piumasaqaatit.

§ 15. Nalunaarut manna naapertorlugu aalajangikkat tamarmik Avatangiisit innarlitsaaliorneqarnissaat pillugu Inatsisartut peqqussutaanni nr. 9, 22. november 2011-meersumi kapitali 14-imi malittarisassat naapertorlugit naammagittaalliuutigineqarsinnaapput.

Kapitali 8

Pineqaatissiissutit pillugit aalajangersakkat

§ 16. §§3, 4, 5, 6 aamma 11 imm. 1 aamma 2-mik unioqqutitsinerit akiliisitsinermik aamma/imaluunniit arsaarinninnermik kinguneqarsinnaapput.

Imm. 2. § 13 imm. 1 malitsigisaanik unioqqutitsinermik atugassarititaasunik unioqqutitsineq akiliisitaanermik kinguneqarsinnaavoq.

Imm. 3. § 14, imm. 2-4 naapertorlugit peqqusinermik inerteqqummilluunniit unioqqutitsineq akiliisitsinermik kinguneqarsinnaavoq.

Imm. 4. Nalunaarummi akiliisitsinissamik pineqaatissiinissaq tunngavissinneqarsimappat, akiligassiissut Kalaallit Nunaanni pinerluttulerinermut inatsimmi maleruagassat malillugit inuk inatsisilerisoq akiliisinneqarsinnaavoq.

Imm. 5. Imm 1-4 naapertorlugu akiliisitsissutit Nunatta Karsianut nakkartinneqartassapput.

Kapitali 9

Atortuulersitsineq

§ 17. Ileqqoreqqusaq una ulloq xx.xx 202x-mi atuutilerpoq.

Qeqqata Kommuniani kommunalbestyrelsi, ulloq xx.xx. 202x.

Malik Berthelsen

Borgmesteri

Ilanngussaq A Qeqqata Kommuniani nunaannarmi angallassissutinik motoorilinnik atuineq pillugu Ileqqoreqqusamut atatillugu angallassissutit akuerisaasut.

Ilanngussaq B Imeqarfiup killeqarfiani angalanissamut atugassarititaasut

Nunap assinga ilanngussaq 1 Kommuni tamarmi

Nunap assinga ilanngussaq 2 Sisimiut

Nunap assinga ilanngussaq 3 Kangerlussuaq

Nunap assinga ilanngussaq 4 Maniitsoq

Nunap assinga ilanngussaq 5 Aasaanerani angallaviit